

Otty Oliviera:

Actividad creciente na San Nicolas

ORANJESTAD(AAN) — Sr. Otty Oliviera a bisa cu tur hende sa cu dia e gobierno nobo a tuma over 2 aña pasa San Nicolas tabata den un crisis grandi. No solamente e ceramento di Lago pero tambe un falta total di atencion durante hopi aña a causa cu e parti aki di isla a resulta den un situacion sumamente malo.

Awe segun Sr. Oliviera por mira cu esfuerzonan di e gobierno no solamente ta treciendo actividad y trabao na otro partinan di e isla pero San Nicolas tambe ta experimentando un actividad enorme cu siguramente e tabatin mester. Manera ta conoci gobierno den su esfuerzonan pa reactiva San Nicolas a duna inicio na diferente proyectonan cu cuminsa stimula e economia di San Nicolas y crea cuponan di trabao.

Gobierno na e momentonan aki ta construyendo 2 edificio pa asina departamentonan di gobierno muda pa San Nicolas. E inversion di 7,5 Mijon aki no solamente ta creando e espacio pa e departamentonan pero tambe ta estimulando hopi actividad. Unavez cu e departamentonan ta na San Nicolas e cantidad di hendenan cu ta bini hunto cu esakinan di mes lo trece mas actividad y bida den e comercio di San Nicolas.

Sr. Oliviera a bisa cu tambe e presencia di e servicionan na San Nicolas mes lo ta un alivio pa hopi hende y por ta un factor importante pa mas futuro desaroyo na San Nicolas, ya cu San Nicolas lo dispone di servicionan cu actualmente e no tin. Un otro proyecto grandi cu actualmente ta wor-

de construi ta e proyecto di prison nobo.

E proyecto aki ta costa alrededor di 14 Mijon y ta un fuente importante di empleo na e momento aki. Gobierno tambe a cuminsa construi casnan nobo den Village pa asina crea un mihor circunstancia di bida pa esnan cu awor ta bida den casnan den mal condicion.

Mas di 50 cas nobo ta worde contrui na e momento aki formando parti di e plan "renovatie village". E inversion di 2,3 Mijon aki naturalmente tambe ta yudando e desaroyo na San Nicolas.

Hunto cu e casnan trabaoonan grandi ta worde haci pa prepara un infraestructura adecuado pa e renovacionnan. Un otro parti cu ya Gobierno a cuminsa awe ta e preparacion di e centro di San Nicolas pa turismo. E promenade na San Nicolas ta worde embellece pa asina un ambiente atractivo por worde crea pa tanto e turistanan como hendenan local.

Banda di e kioskonan

diferente trabaoonan a worde haci of ta den planning pa haci e centro di San Nicolas mas atractivo y prepara pa cu e desaroyo nobo. Hunto cu e actividadnan aki tambe e comision gubernamental Codesan a cuminsa tene cursonan cu ta yuda esnan cu kier cuminsa un of otro actividad chikito. Esaki pa garantisa cu mientras San Nicolas ta worde reactiva nos mes hendenan lo ta prepara tambe pa haci uso di e oportunidad cu esaki lo trece cune.

Un otro area importante den e desaroyo turistico di San Nicolas, sr. Oliviera a bisa cu awe ta hayando atencion ta e renovacion di e golf course. Gobierno a pone un suma basta grandi di placa disponible pa yuda golf club drecha y upgrade e golfcourse na San Nicolas.

Tur e actividadnan aki ta estimulando tambe sector particular su interes pa San Nicolas. Diferente otro proyectonan na e momentonan aki ta planeando tambe di establece den e are aki di e pais y ta hayando incentivo di

gobierno pa haci esaki.

AVP ta sumamente contento pa mira cu e esfuerzonan di gobierno den apenas 2 aña ta cuminsa duna resultado y tin luz na horizonte awor pa e futuro di San Nicolas.

Segun Sr. Oliviera ainda naturalmente tin hopi trabao pa worde haci pero ya a keda demosta cu un actividad dinamico cambio por worde logra. Y den esaki ta mira cu no ta gobierno so pero tur rond tin mas gruponan ta trahando pa di un of otro forma yuda pone San Nicolas back ariba pia.

San Nicolas pa hopi aña tabata e fuente di trabao pa miles di tata di famia di tur rond ariba e isla. Awe mester uni forsa y trata hunto pa asina San Nicolas por bira un lugar atrobe cu por brinda un futuro na tur e conciudadanonan.

Na final Sr. Oliviera a bisa cu tur rond ariba e isla ta mira actividad atrobe, e hendenan ta hayando trabao atrobe. Esaki ta demostra cu conhuntamente trahando duro nos por.

Cu e Job Center Cont. di pag. 9

Pontilius a manifesta cu FTA a haci y lo sigui haci lo maximo pa coopera den e trabao aki. Pero si acaso tin caminda cu mester señala fayonan no tin duda cu FTA lo haci esaki. Segun Pontilius, e tarea cu nos tur tin den e comunidad aki, sea cu tin diferencianan di opinion si of no respetando otro den un democracia bibe ora cu e parti di opinion ey ta conta, e tarea ta keda ariba cada un di nos pa bida y haci e mihor trabao pa un progreso di nos pais.

Pontilius a enfatisa cu na e centro di trabao sin duda e mester bay mira con ta bay drecha un di e problemanan mas serio cu ta confrontando actualmente e abuso di contratonan individual.

Pontilius a remarca, diferente Parlamentario a

briya cu nan ausencia sperando cu nan por ta contribuyendo cu nan trabao pa cual nan ta worde paga pe.


Mester bin cambianan fundamental den e leynan existente pasobra un cantidad di trahador ta worde "masacra" den e sentido cu nan ta trahando sin futuro.

Esaki segun Pontilius FTA no por permiti y no por permiti cu ningun doño di trabao ta bay haci esey cu un trahador.

Pontilius a manifesta cu si bo no tene cuenta cu loke e trahador mester, cu e tin familia y un futuro, e trahador por bay perde e amabilidad, e tranquilidad, e conocimentonan cu nos ta domina pa no solamente guia e pais hibe pa dilanti sino realmente pone caminda e mester ta.

E Job Center ta situa na e lugar mas corecto esta e biblioteca di un pais cu ta e curazon principal pa e hobennan cu ta e futuro trahador di mañan.

Pontilius a manifesta cu aki mester bira e caminda cu den e proximo añanan lo tin e cambianan necesario y cu realmente cu tur respet pa esnan di exterior, cu esnan local lo sa di ocupa e funcionan cu actualmente ta ocupa pa hendenan di exterior.



Enconexon cu e apertura di Interbank Aruba N.V. su Branch na L.G. Smith Blvd a tuma lugar e sorteo di e Television di color. E ticket ganador a ser saca door di Sra. Banfield Branch-employee di Interbank Aruba den presencia di e Managing Director Sr. W. Glennie, Sra. Lopez v.d. Linden y Sra. E. Croes di Accountants Kantoor di K.P.M.G. Croes & Croes. Ariba e foto por mira e entrega di e television di color na srta. Magalie Croes kende tabata e feliz ganador.

CALCULOS URINARIOS

Pulverización por ondas
Expulsion por via urinaria
Tratamiento sin hospitalización.
NO REQUIERE ANESTESIA.

Instituto de Urologia y Nefrologia Valencia C.A.
Tel. (041) 216062 - 216260
Exts. 301 y 316

"EL BRUJO"

(pariba di Tienda Geerman)
Tanki Leendert.
Serca nos bo inversion ta sigur (Ildo). Tambe nos tin biljechi Antillas.
Horario: 4'or p.m.-9'or p.m.
Diamingo 8'or a.m.-1 p.m.

Capri

Ennia Building
BARATILLO
50o/o

ariba mayoria di
SAPATO y TAS.